



TOSHKENT DAVLAT YURIDIK UNIVERSITETI REKTORINING B U Y R U G' I

2021yil «4» fevral

08-22-son

Тошкент давлат юридик университетида Маънавийт ва маърифат кенгаши фаолиятини йўлга қўйиш тўғрисида

Ўзбекистон Республикаси Президентининг 2019 йил 3 майдаги “Маънавий-маърифий ишлар самарадорлигини ошириш бўйича қўшимча чора-тадбирлар тўғрисида”ги ПҚ–4307-сон қарори ва Ўзбекистон Республикаси Президенти раҳбарлигида 2021 йил 19 январь куни Республика Маънавийт ва маърифат кенгашининг видеоселектор тарзида ўтказилган мажлисининг 3-сон баёнида белгиланган вазифалар ижросини таъминлаш ҳамда университетда маънавий-маърифий ишларнинг таъсирчанлигини ошириш, маънавийт соҳасидаги ички ва ташқи таҳдид, хавф-хатарларга қарши самарали курашиш, талабаларда мафкуравий иммунитетни мустаҳкамлашда яқиндан қўмаклашиш, шунингдек, Тошкент давлат юридик университетида соғлом маънавий муҳит барқарорлигини таъминлаш, таълим ва тарбия уйғунлигини самарали ташкил этиш мақсадида

Б У Ю Р А М А Н:

1. Ўзбекистон Республикаси Президенти раҳбарлигида 2021 йил 19 январь куни Республика Маънавийт ва маърифат кенгашининг видеоселектор тарзида ўтказилган мажлисининг 3-сон баёни маълумот ва ижро учун қабул қилинсин.

2. Тошкент давлат юридик университетининг (кейинги ўринларда – университет) Маънавийт ва маърифат кенгаши фаолияти йўлга қўйилсин.

3. Университетнинг Маънавийт ва маърифат кенгаши (кейинги ўринларда – Кенгаш) таркиби 1-иловага мувофиқ, Кенгаш фаолиятини ташкил этиш тўғрисидаги низом 2-иловага мувофиқ тасдиқлансин.

4. Кенгаш (А.Хашимхонов):

Кенгаш фаолиятининг мунтазам юритилиши, унинг йиғилишларини ташкил этиш ва университетда бу борада амалга оширилаётган ишлар натижадорлигини доимий мониторинг қилиб борсин;

миллий ғоя тарғиботи, маънавий-маърифий ишлар, ижтимоий-маънавий муҳитни янада соғломлаштириш, ёшларга оид давлат сиёсатини самарали ташкил этиш, 5 та муҳим ташаббусни талаба ва ходимларнинг ҳаракат дастурига айлантириш, жиноятчиликнинг олдини олиш, ёшлар тарбияси ва уларнинг мафкуравий иммунитетини мустаҳкамлаш ҳамда шу каби маънавият ва маърифатга доир масалаларни Кенгаш йиғилиши кун тартибига киритиб бориш чораларини кўрсин;

университетдаги ёшлар сиёсати, маънавий-ахлоқий тарбия ва спорт-соғломлаштириш йўналиши бўйича ишларни мониторинг қилиш ва бу борада масъул таркибий бўлинмаларнинг рейтингини аниқлаш тизимини йўлга қўйсин;

университетда маънавий-маърифий ишларни ташкил этиш бўйича мавжуд ишчи гуруҳлар ва бошқа ички ҳужжатларни қайта кўриб чиқсин ҳамда Кенгаш низомига мувофиқлаштирасин.

5. Маънавият ва маърифат маркази (Ш.Пўлотов), Кадрлар бўлими (А.Матмуротов) ҳамда факультет деканлари мазкур буйруқ мазмун-моҳиятини ходим ва талабалар ўртасида кенг тарғиб қилиш чораларини кўрсин.

6. Мазкур буйруқ бажарилишини назорат қилишни ўз зиммамда қолдираман.

Ректор



Р.Ҳакимов

Лойиҳа киритди:

Маънавият ва маърифат
маркази директори

Ш.Пўлотов

Келишилди:

Проректор

А.Хашимхонов

Юридик бюро
катта юрисконсульти

Э.Хосилов

Тошкент давлат юридик университети
ректорининг 2021 йил 4 февралдаги
08-22 -сон буйруғига
1-ИЛОВА

**Тошкент давлат юридик университетининг
Маънавият ва маърифат кенгаши
ТАРКИБИ**

- | | | |
|-----|-----------------|--|
| 1. | Р.Хакимов | – Тошкент давлат юридик университети ректори, Кенгаш раиси |
| 2. | А.Хашимхонов | – Ёшлар билан ишлаш бўйича проректор, Кенгаш раиси ўринбосари |
| 3. | М.Азизов | – Муқимий номидаги Ўзбекистон давлат мусикали театри директори |
| 4. | Л.Илҳомжонов | – Ғафур Ғулом уй музейи катта илмий ходими, Тошкент давлат юридик университети илмий-адабий маслаҳатчиси |
| 5. | Д.Умаров | – Узлуксиз таълим ва халқаро ҳамкорлик бўйича проректор |
| 6. | Ҳ.Бабаев | – Давлат ва ҳуқуқ назарияси кафедраси профессори, университет Фахрийлар кенгаши раиси |
| 7. | Ш.Пўлотов | – Маънавият ва маърифат маркази директори, Кенгаш масъул котиби |
| 8. | А.Матмуротов | – Кадрлар бўлими бошлиғи |
| 9. | Ш.Сайдуллаев | – Оммавий ҳуқуқ факультети декани |
| 10. | Д.Камалова | – Жиноий одил судлов факультети декани |
| 11. | Б.Ходжаев | – Хусусий ҳуқуқ факультети декани |
| 12. | Д.Умарханова | – Халқаро ҳуқуқ ва қиёсий ҳуқуқшунослик факультети декани |
| 13. | А.Бабаджанов | – Магистратура бўлими бошлиғи |
| 14. | Г.Носирходжаева | – Умумтаълим фанлар ва маданиятшунослик кафедраси мудири |
| 15. | Н.Рамазонов | – Ўзбек тили ва адабиёти кафедраси мудири |
| 16. | Р.Қўчқоров | – Умумтаълим фанлар ва маданиятшунослик кафедраси доценти |
| 17. | М.Ўразалиев | – Университет касаба уюшмаси кўмитаси раиси |
| 18. | У.Ҳайдарова | – Хотин-қизлар масалалари бўйича университет маслаҳат кенгаши раиси |
| 19. | Н.Иноятов | – Ўзбекистон ёшлар иттифоқи бошланғич ташкилоти ёшлар етакчиси |
| 20. | Лавозимига кўра | – университет Талабалар кенгаши раиси |

***Изоҳ:** Комиссиянинг аъзолари бошқа лавозимга ўтган тақдирда унинг таркибига ушбу лавозимга янгидан тайинланган ёки зиммасига тегишли функциялар юкланган шахслар киритилади.

Тошкент давлат юридик университети
ректорининг 2021 йил 4 февралдаги
08-22 -сон буйруғига
2-ИЛОВА

**Тошкент давлат юридик университетининг
Маънавият ва маърифат кенгаши фаолиятини
ташkil этиш тўғрисида
Н И З О М**

I боб. Умумий қоидалар

1. Тошкент давлат юридик университетининг Маънавият ва маърифат кенгаши (бундан буён матнда – Кенгаш) мустақил, ўз-ўзини бошқарувчи орган бўлиб, университетда маънавий, маърифий, маданий ва бошқа ижтимоий фойдали мақсадларни кўзлайди.

Кенгаш ўз сафида университет ректорининг буйруғи билан тасдиқланган раис, унинг ўринбосари, масъул котиб ҳамда университетнинг масъул ходимлари ва жамоатчилик вакиллари бирлаштиради.

2. Кенгаш университетда жамоатчилик асосида таълим-тарбия жараёнларини қўллаб-қувватлаш ва самарали ташкил этишда кўмаклашиш учун ташкил этилади. Кенгаш юридик шахс ҳисобланмайди.

3. Кенгаш ўз фаолиятини Ўзбекистон Республикасининг Конституцияси, Ўзбекистон Республикасининг тегишли қонунлари ва бошқа норматив-ҳуқуқий ҳужжатлар, шунингдек, ушбу Низом асосида амалга оширади.

5. Кенгаш таркиби аъзолардан ташкил топиб, улар томонидан талабаларнинг маънавий-ахлоқий тарбияси ва мафкуравий имунитети, жамоадаги ижтимоий-маънавий муҳит, профессор-ўқитувчилар ва масъул ходимларнинг маънавий қиёфаси масалалари кўриб борилади.

6. Кенгаш ўз фаолиятини қонунийлик, илмий-маърифийлик, ошкоралик, ижтимоий адолат ва инсонпарварлик тамойиллари асосида амалга оширади.

7. Кенгаш фаолиятининг муддати чекланмаган.

8. Кенгашнинг асосий ишчи органи университетнинг Маънавият ва маърифат маркази ҳисобланади.

II боб. Кенгашнинг мақсад ва вазифалари

9. Кенгашнинг асосий мақсади талаба-ёшларни халқимизга хос одоб-ахлоқ меъёрларига мос, миллий ва умуминсоний қадриятларга садоқатли қилиб тарбиялаш, миллий тарбия услуб ва шакллари, миллий ғоя ва маънавиятни изчил тарғиб қилиш орқали юксак маънавиятли ёшларни тарбиялашга қўмаклашиш, педагогик жамоаларда, умуман олий ва ўрта махсус таълим тизимида ижтимоий-маънавий муҳитни янада соғломлаштириш ҳамда унинг мустаҳкамлигини таъминлаш, ходим ва талабаларда мафкуравий иммунитетни оширишга доир ишларни ташкил қилиш ва назорат қилиб боришдан иборат.

У ривожланган давлат қуришдаги энг муҳим омил ҳисобланган ёшлар тарбиясини ривожлантириш мақсадида замонавий ахборот ва педагогик технологияларни жорий қилиш юзасидан таклиф ва тавсиялар ишлаб чиқади.

Ёшларни маънавий-ахлоқий жиҳатдан тарбиялаш, уларнинг ҳукуқий, сиёсий маданиятини оширишнинг самарали тизimini яратиш, мамлакатимизнинг ҳар бир йигит-қизиди ватанпарварлик, юксак ахлоқий фазилатлар, мустаҳкам ирода, мафкуравий иммунитет, дахлдорлик ва ўзларига юклатилган мажбуриятларни бажариш, мамлакат тақдири, унинг мустақиллигини мустаҳкамлашда масъуллик туйғуларини шакллантириш ишларига раҳбарлик қилади.

Шунингдек, ёшлар тарбияси, маънавияти, маърифати ва маданиятига доир ишларнинг самарадорлиги ва натижадорлигини янада оширишга, тизимдаги маънавий юксалишни таъминлашга қўмаклашади.

10. Кенгаш қуйидаги вазифаларни амалга оширади:

маънавий-маърифий ишларни такомиллаштириш, натижадорлигини таъминлаш ва профессор-ўқитувчилар ҳамда талаба-ёшлар орасида юксак ахлоқий фазилатларни тарғиб қилишда университет таркибий бўлинмалари ҳамда таълим муассасаларига услубий-амалий ёрдам кўрсатиш;

ёшларда, инсонпарварлик ва меҳр-оқибат асосида ўзаро ҳурматни янада ошириш, ижтимоий, сиёсий барқарорлик, тинчлик ва осойишталикни таъминлашнинг ижтимоий педагогик шакл ва усулларини ишлаб чиқиш ҳамда жорий қилишга қўмаклашиш, умумий раҳбарлик қилиш ва назоратини олиб бориш;

мамлакатимизда таълим-тарбия жараёнларининг самарали ишлашини таъминлаш орқали натижадорлигини оширишга оид назарий ва амалий семинарлар, конференциялар, ўқув тренинглар ташкил қилиш, консултатив хизматлар кўрсатиш ва бунда ахборот технологияларидан кенг фойдаланиш;

педагог ходимлар, маънавий-маърифий ишлар бўйича масъулларнинг тарбиявий ишлар методикасига оид касбий малакасини ошириш йўналишида фаолият юритувчи ташкилотлар билан доимий алоқалар боғлаш;

жаҳон ва давлатимизнинг миллий ғоя тарғиботи ва маънавий-маърифий ишлар ҳамда миллий тарбия соҳасидаги илғор тажрибаларини ўрганиб, олий ва ўрта махсус таълим тизимида татбиқ этишга кўмаклашиш;

талабалар билан олимлар, адиблар билан ижодий мулоқотларни ташкил қилиб бориш;

миллий маънавият, тарих, санъат, урф-одатлар ва анъаналарни оммалаштиришга бағишланган фан олимпиадалари, турли кўрик-танловлар, ўқувчи ёшлар спартакиадасини ташкил этиш ва ўтказишдаги фаолликни таъминлаш;

малакали, катта ҳаётий тажриба ва меҳнат стажига эга бўлган маънавият ва маърифат ходимлари, устоз-мураббий, фахрийлар кенгаши аъзолари, ўқитувчилар билан ёш педагоглар ўртасида ўзаро тажрибалар алмашиш ишларини амалга ошириш;

юртимизда таълим-тарбия, миллий ҳамда маънавий қадриятларимизга, миллий ғоя тарғиботи ва мафкуравий жараёнларга тааллуқли ислохотларнинг кенг миқёсда тарғиб қилинишини, ушбу ислохотларнинг мазмун-моҳиятини ўқувчи-талабалар қалби ва онгига сингдиришда зарур услубий тавсиялар ишлаб чиқишни ташкил этиш;

мураббийларнинг ёшлар тарбияси олдидаги масъулиятини оширишга қаратилган долзарб мавзулардаги конференциялар, симпозиумлар, семинарлар, давра суҳбатлари ва бошқа турли тадбирлар уюштириш;

ёшлар ҳаёти, бўш вақти ва фаолиятини ўрганиш ва таҳлил қилиш, илғор тажрибаларни оммалаштириш, улар томонидан ишлаб чиқилган истиқболли ғоялар ва лойиҳаларни амалга оширишда иштирок этиш;

талабаларнинг ижтимоий, маънавий ва сиёсий фаоллигини оширишга қаратилган зарур шароитлар яратиш, ёшларни илм олишга, касб-хунарга йўналтиришга улубий ва амалий ёрдам кўрсатиш;

ташқи ва ички таҳдидлар ҳамда турли бузғунчи ғоялар таъсирига қарши турувчи миллий ахлоқ-одоб меъёрлари, уларга амал қилиниш ҳолатлари бўйича социологик тадқиқотлар ўтказиш, шунингдек, ментал хусусиятларимизни муттасил ривожлантиришга қаратилган концепциялар, таклифлар, тавсиялар ишлаб чиқиш ҳамда тегишли давлат ҳокимияти идораларига, нодавлат ташкилотларига, ОАВ ҳамда нашрлар муассисларига таклифлар киритиш ишларига умумий раҳбарлик ва ташаббускорлик қилиш;

тизимдаги талабаларнинг ижтимоий-маънавий, ахлоқий-мафкуравий, илмий-маданий савиясини янада ривожлантиришга, маънавий-маърифий аҳамиятига эга бўлган бошқа дастурлар ва лойиҳаларга қаратилган чоратadbирларни амалга оширишга ҳар томонлама кўмаклашиш;

ушбу низом фаолияти доирасида бошқа идора ва муассасалар ҳамда жисмоний шахслар билан ҳамкорликни йўлга қўйиш, улар билан ҳамкорликда қўшма дастур ва лойиҳаларни ишлаб чиқиш, ижтимоий шериклик асосида амалга ошириш.

III боб. Кенгашнинг ҳуқуқ ва мажбуриятлари

11. Кенгаш қуйидаги ҳуқуқларга эга:

бепул маслаҳатлар бериш;

ваколати доирасида таркибий бўлинмалардан ҳисоботлар қабул қилиш ва фаолиятини таҳлилилий ўрганиш;

ўз фаолияти тўғрисидаги ахборотни эркин тарқатиш;

мазкур Низомда белгиланган вазифаларни амалга ошириш;

қонун ҳужжатларига мувофиқ бошқа ҳуқуқларни амалга ошириш.

12. Кенгашнинг мажбуриятлари:

ўз фаолиятини қонун ҳужжатларига ва Кенгаш низомига мувофиқ амалга ошириш;

Кенгаш фаолиятида ошкораликни таъминлаш;

Кенгаш қонун ҳужжатларига мувофиқ бошқа мажбуриятларга ҳам эга бўлиши мумкин.

13. Кенгаш аъзолари фақат ўз мажбуриятлари бўйича жавоб беради.

IV боб. Кенгаш раиси ва аъзолари

14. Кенгаш раиси:

Тошкент давлат юридик университети ректори, Кенгаш раиси ҳисобланади;

Кенгаш фаолиятига бевосита раҳбарлик қилади;

Кенгаш йиғилишларинини олиб боради;

Республика Маънавият ва маърифат кенгаши йиғилишларида Кенгаш номидан иштирок этади;

Кенгаш раҳбари қонунчиликка ва ушбу Низомга мувофиқ бошқа ваколатларни ҳам амалга ошириши мумкин.

15. Ёшлар билан ишлаш бўйича проректор Кенгаш раисининг ўринбосари, Маънавият ва маърифат маркази директори Кенгашнинг масъул котиби ҳисобланади.

16. Кенгашга аъзолик Кенгаш раиси (Тошкент давлат юридик университети ректори)нинг буйруғи ёки Кенгашнинг навбатдаги ёхуд навбатдан ташқари йиғилиш қарорлари билан амалга оширилади.

17. Кенгаш аъзолари тенг ҳуқуқли бўлиб, уларнинг ҳуқуқлари қуйидагилардан иборат:

Кенгаш фаолияти тўғрисида маълумот олиш;

Кенгаш томонидан ўтказиладиган тадбирларда иштирок этиш;

Кенгашнинг фаолияти бўйича таклифлар бериш ҳамда уларнинг кўриб чиқилишида иштирок этиш;

18. Кенгаш аъзосининг бурчлари:

Кенгаш Низомига қатъий риоя этиш;

Кенгаш йиғилишларида иштирок этиб бориш (узрли ҳолатлар бундан мустасно);

Кенгаш йиғилишларига пухта тайёргарлик кўриш ва доимо ҳисобот беришга тайёр туриш;

Кенгаш йиғилишларида қабул қилинган қарорлар ижросини ўз вақтида таъминлаш.

19. Кенгашнинг ҳар бир йиғилишида котиб томонидан имзоланадиган ҳамда раис томонидан тасдиқланадиган баённома юритилади.

20. Кенгаш аъзолари белгиланган тартиб асосида университетнинг бюджетдан ташқари маблағлари моддий рағбатлантирилиб борилиши мумкин.

V боб. Яқуний қоидалар

21. Кенгашнинг иш режасини университет таркибий бўлинмаларининг таклифлари асосида Кенгашнинг масъул котиби томонидан ишлаб чиқилади ва раис томонидан тасдиқланади.

22. Кенгашнинг ҳар бир йиғилиши баёни университетнинг барча таркибий бўлинмалари ҳамда университет тизимидаги муассасаларга етказилади ҳамда ижроси доимий равишда назорат қилиб борилади.